
OFFERYNNAU STATUDOL CYMRU

2010 No. 1703

**Rheoliadau Gwarchod Plant a Gofal
Dydd (Anghymhwysu) (Cymru) 2010**

Hegoriadau

9.—(1) Yn ddarostyngedig i baragraff (2), pe bai person (“P”) wedi ei anghymhwysu yn rhinwedd rheoliad 3, 4, 6(1) a 6(3) neu 8, ond wedi datgelu i Weinidogion Cymru y ffeithiau a fyddai wedi peri, fel arall, iddo gael ei anghymhwysu, a Gweinidogion Cymru wedi rhoi eu cydsyniad ysgrifenedig, a heb dynnu'r cydsyniad hwnnw yn ôl, yna rhaid peidio ag ystyried bod y person hwnnw, oherwydd y ffeithiau a ddatgelwyd felly, wedi ei anghymhwysu at ddibenion y Rheoliadau hyn.

(2) Mewn perthynas â pherson a fyddai wedi ei anghymhwysu yn rhinwedd rheoliad 3(4), ni fydd y rheoliad hwn yn gymwys pan fo llys wedi gwneud gorchymyn o dan adran 28(4), 29(4) neu 29A(2) o Ddeddf 2000.

(3) Nid yw person wedi ei anghymhwysu os yw'r person hwnnw, cyn 1 Ebrill 2002—

- (a) wedi datgelu'r ffeithiau, i awdurdod lleol priodol o dan baragraff 2 o Atodlen 9 i'r Ddeddf, a fyddai wedi anghymhwysu'r person o dan y Rheoliadau hyn; a
- (b) wedi cael cydsyniad ysgrifenedig yr awdurdod lleol hwnnw.